



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De disciplina Christiana militum.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

parentes suis liberis relinquere, neque maius precium, honestioremque mercedem, quam domini ijs, qui sibi in seruitute operam dant, pro fidei eorum famulatu tribuere, ac persolvere possunt, quam si ediderint, ut boni Christiani eadant, quæ virtus omni terreno thesauro multo preciosior est censenda. Quamobrem qui in aliqua domo, atque familia duces sunt, curabunt diligenter, ut omnes, quicumque suo sub imperio, & ditione viuunt, ieiunia colant, diuini verbi prædicationem crebro audiant, sacramentis frequenter vtantur; & omnia demum veri Christiani officia exerceant: famulorum autem domini non solum diebus festis tantum eis liberi temporis concedere curent, ut eiusmodi officijs vacare possint, sed crebris item eos, ac paternis hortationibus excitare non desistant, nè in studio eiusmodi tam salutari, segriores, neque negligentiores existant: in quo si parentes ipsi, aut domini suo officio in his defuerint; proculdubio expectent fore, sibi ut ante seuerissimum Christi Domini tribunal culpæ tribuantur omnia, quæ liberi, vel famuli non commisissent, si suas illi partes, in hoc, alijsque eiusmodi decretis præscriptas, sibi que maximè debitas, præstitissent. Atque id quidem multò magis timendum illis erit, qui aliquo modo impedierint, quo minùs pia suprà scripta, & alia huiusmodi officia persoluantur: contra quos agat Episcopus pro culpæ ratione. Quod sequitur, vide in Tit. de Ludimag. Ibi. His temporibus.

De disciplina Christiana militum.

S Y M M A R I U M.

- 1 Militum Christianorum vita disciplina qualis: eaque in re quod Episcopi officium, cum illorum præfectis. 5.
- 2 Imago sacra in eorum stationis loco ponenda.
- 3 Sacerdos deligendus, cuius monitis, in militia spirituali se exerceant.
- 4 Ab obscænorum librorum lectione abstinentes, in quibus se occupent.
- 6 A quibus alijs abstineant.
- 7 Confratria inter ipsos milites instituenda.
- Milites à fide dissidentes, nè in hæc loca veniant Principum officina.
- De Hæreticis. 12.
- Vbi venerint, quid ab Episcopo curandum. Ibid. 13.



Christianorum militum disciplina his temporibus
eò prolapsa est, ut in multis Dei offensionibus,
quæ à militum corruptelis existunt, operapre-
tium etiam sit inuigilari Episcopalis monitis.

6. De discipli-
Christ. Militi-
um.

Ubi igitur militum præsidium constitutum est,
illud cum eorum ducibus, præfectisue Episcopus
studiosè, paternaque charitate agat, ut illi in mi-

litari statione constituti, piæ, Christianæque vitæ institutis congruenter
vivant; cum præsertim in militum Christianorum laude positum sit,
ut pietatem in primis, & religionem erga Deum obseruent, atq; colât.

Quod ergo ad pietatis vsum, atque officium attinet, id omne maxi-
mè curetur.

Ut Doctrinæ Christianæ rudimentis milites rectè instituantur.

Ut frequenti Sacræ, & Confessionis, & Communionis vsu se ad
benè viuendum communiant.

Ut quotidie & manè, & vesperi certa stata hora Deum præcentur.

Ut Rosario quotidiano Beatæ Mariæ Virginis, quod militibus bello
contra Turcas suscepto olim præscriptum fuit, religiosè vtantur.

Ut singulis diebus mane in statione communi collecti litanias re-
citant.

2 Ut stationis loco sacram imaginem Beatæ Mariæ Virginis, aut San-
cti alicuius, quem Patronum sibi, atque intercessorem in cælis delegerint,
ob oculos propositum habeant.

3 Ut sacerdotem item habeant spiritualis vitæ amantem Episcopi
iudicio delectum, cuius monitis in militiæ spiritualis exercitationibus
cursum teneant.

4 Ut in otio militari à librorum obscenorum; quique Christianos
viros non decent, lectione abstineant; sed martyrum vitis legendis,
in quibus fortitudo, ac virus verè militaris elucet, totos sese occupent,
cum per occupationes militares possunt.

5 Illud verò etiam maximè Episcopus cum militum præfectis valdè
agat, ut ieiunia, & ciborum delectum ex præcepto Ecclesiæ seruent; à
blasphemijs omninò abstineant, quas radicitus extirpare ille omninò
conetur, cum militis Christiani officium proprium sit, etiam sanguinis
profusione tueri gloriam Dei, sine cuius diuina ope nihil reliquum
militi Christiano est, quod gloriosum esse possit.

6 Ut à furto, rapinisue abstineant, idque planè eis persuadeat, eius
generis criminibus perpetuam infamiam inuri militi.

Ut denique detractiones, mendacia, ingluuiem, aleam, luxuriam,
pompamque abhorreant; sed omnes virtutum Christianarum partes
exequantur, quæ cum in omni disciplina, tum in re militari splende-

scunt, vtilitatesque vberrimas salutariter afferunt.

7. Atque ob has quidem causas inter illos pias Confratrias instituere. Episcopus curet.

De Vfuris, & Vfurariis.

SUMMARIUM.

- 1 Vtura delictum reprimitur.
- 2 Vtura in mutuo & Deposito. 5.
- 3 In Cambijs
- 4 In venditione, & emptione
- 5 In pignore
- 6 In societate
- 7 In foccidis animalium
- 8 In locationibus animalium
- 9 In contractibus libellarijs
- 10 Hi omnes vsturarij contractus irritantur.
- 11 Principes, Magistratusque ad compefcendas vstras, hortantur. Vsturarij quando ad communionem non admittendi. De sancta Eub. in Eccl. administ. nu. 11. Quando non absoluendi. De Confessario: nu. 16.
- 12 Vtura ficto meri depositi, & libera emptionis nomine, vetatur.
- 13 Vsturarius manifestus Ecclesiastice sepultus, & minime tradendus.
- 14 Quae sodalitates, & pia loca mutuo dare prohibentur. A montibus pietatis quid capi possit ratione mutui. De piorum locorum admin. nu. 68.
- 15 Vstras à montibus pietatis exigere vetitur. Decreta ad Montes pietatis spectantia obseruari mandatur. Vsturarei an adsint à Visitatoribus inquirendum: eorumque nomina. Parocho eidem significanda. De Visitazione. nu. 25.

I. De Vfur.

II



Suram ad perniciem populorum latius manantem pro nostri muneris cura reprimere cupientes, quaedam huius generis delicta ex factorum Canonum, & probatorum Patrum sententijs delegimus: quae quoniam frequentius in hac Prouincia committi animaduertimus, ea praecipue, ac nominatim prohibenda duximus, eo consilio, vt, si quis in alijs etiam eiusdem generis vetitis contractibus deliquerit, poenas à iure constitutas sibi subeundas esse intelligat.

Ex.